

# † Sophus Blöndal

konsúll.

Ræðismaður Þjóðverja á Siglufirði, Sophus Auðunn Blöndal, verður jarðsunginn á mánudaginn kemur.

Sophus Blöndal var hugljúfi hvers manns, er honum kynntist.



SOPHUS A. BLÖNDAL  
ræðismaður.

Sanngirni hans og þróðmannleg framkoma, hreinskilni hans og hjálpssemi öfluðu honum vana, hvar sem hann var.

Þótt undarlegt megi virðast, aðhylltist Blöndal stefnu framsóknarmanna í íslenskum stjórnárum, hin síðari ár. En svo þróðmannleg var framkoma hans á þessu sviði, að hann var jafnt elskaður af pólitískum andstæðingum sínum, sjálfstæðismönnum og jafnaðarmönnum, sem sínum eigin flokksmönnum.

Aðra sögu er að segja af hinum alræmdu kommúnistum á Siglufirði, sem létu ekkert tækifæri ónotað til að svívirða hann sem ræðismann Þjóðverja, t. d. er þeir á lymskulegan hátt að honum fjarverandi réðust vopnaðir að heimili hans og skáru niður þýzka fánann, svo sem landfrægt er orðið. Þá má og minnst þess, er kommúnistar 13. maí 1934 veittu Blöndal heitnum mikinn áverka með grjótkasti, og hefur hann aldrei borið þess batur síðan. Hafa nú afleiðingar þessa áverka að líkindum leitt hann til hinnar hinztu hvíldar, og mætti með því ætla, að takmarki kommúnista á Siglufirði gagnvart þessum látna heiðursmanni væri nú náð.

Að undanteknum kommúnistum setur nú alla Siglufirðinga hljóða, er jarðneskar leifar Sophusar Blöndals verða til grafar bornar.

Þjóðernissinni,  
vinur hins látna.

## Happdrætti Háskóla Íslands.



Í DAG er síðasti endurnýjunardagur.  
Dregið verður í 2. flokki 11. apríl.

Endurnýið því strax í DAG.



## Frá Sovét.



Útlendingar í Sovét-Rússlandi og afstaða erlenda verkalyðsins til þess.

Þegar stríðið skall á, voru í Rússlandi mörg hundruð þúsund af útlendingum, sem skoðuðu það orðið sem heimkynni sitt. Tugir þúsunda af verkfræðingum á öllum sviðum, mikill fjöldi af sjálfstæðum kaupmönnum og starfsmenn þeirra, mjög margir kennarar, listamenn og iðnaðarmenn dvöldu í Rússlandi, og í sumum tilfellum höfðu forfeður þeirra dvalið þar kynslóð eftir kynslóð. Það liggur í hlutarins eðli, að allir þessir menn, sem töldust til velfnaðra millistéttu, og kommúnistarnir því nefndu burgeisa, misstu tilverur sinn í Rússlandi eftir bolshjevikabyltinguna. Hlutfallslega voru Þjóðverjar langfjölmennastir af þessum mönnum. Þeir komu flestir heim til Þýskalands eftir stríðið og stóð það í sambandi við skifti þau á herföngum, sem fram fóru milli þessara landa, því þegar í stríðsbyrjun hafði zarstjórnin látið taka þessa menn höndum. Einnig þegnar þeirra ríkja, sem verið höfðu í hernaðarbandalagi við Rússland, og ennfremur þegnar hlutlausra ríkja, yfirgáfu Rússland í mesta flýti, þegar byltingin skall á, til þess að forðast ógnir borgarastyrjaldarinnar, því þeir gátu ekki einu sinni leitað verndar hjá sendiherrum ríkja sinna í Rússlandi. Á þeim árum var Sovét-stjórnin ekki viðurkennd af neinu erlendu ríki.

Í Rússlandi eru nú í mesta lagi 320 þús. útlendingar. Þessi tala virðist í sjálfu sér stór, þó hún sé mjög lág, þegar tekið er tillit til, hve geysilegt flæmi Sovét-veldin ná yfir, og sem Þórbergur og aðrir kommúnistar kalla „sjötta hluta jarðkringlunnar“ með miklum oflátungshætti. En sé þessi tala lítið eitt rýnd ofan í kjölinn, kemur annað í ljós. Sé heildartölunni skift eftir Evrópu-mönnum og Ameríku-mönnum annarsvegar og Asíu-mönnum hins vegar, þá kemur í ljós, að í mesta lagi 20 þús. manns teljast til fyrra flokksins. Eftirfarandi tafla sýnir þetta ljóslegast. Eftir

henni voru útlendingar í Sovét-Rússlandi árið 1935 sem hér segir:

Kínverjar .....	80 000
Iranbúar .....	70 000
Tyrkir .....	30 000

180 000

Auk þess Grikkir ..... 120 000

Þjóðverjar ..... 5 000

Búlgarar ..... 4 000

Tjekkar ..... 8 000

Austurríkismenn ..... 800

Japanar ..... 300

Frakkar ..... 400

Pólverjar ..... 500

Ítalir ..... 200

Englendingar ..... 100

Norðurlandabúar og frá

Eystrasaltslöndunum .. 100

Ameríkumenn ..... 400

19 800

Að telja Grikkina í þessu sambandi út af fyrir sig, hefur sína ástæðu, þar sem hér er svo að segja eingöngu um að ræða fyrrverandi tyrkneska þegna, sem misstu þann ríkisborgarétt vegna Lausanne-samningsins, án þess þó að öðlast rétt til gríksks ríkisborgaréttar. Stríðssaga 19. aldarinnar gefur skýringu á, að svo margir tyrkneskir þegnar með kristna trú skuli vera á landi hins fyrrverandi zarríkis.

Svípað var ástatt um myndun fjölmennrar persneskrar (iranískrar) nýlendu í Rússlandi. Til hennar töldust líka margir Armeníumenn úr Norður-Persíu, sem var eitt af hagsmunasvæðum Rússlands frá byrjun 20. aldarinnar.

Hinn tiltölulega mikli fjöldi af Tjekkum á rót sína að rekja til stríðsáranna og eru síðustu leifar flóttamanna og herfanga, sem vegna giftingar hafa búsett sig í Rússlandi, í stað þess að fara heim til sín.

Til hinna 800 Austurríkismanna teljast um 600 „heiðursborgarar“, sem sovét-stjórnin bauð að setjast að í Rússlandi

eftir hina misheppnuðu kommúnistabyltingu í Austurríki. Þeir verða að teljast pólitískir flóttamenn. Afgangurinn eru fyrrverandi stríðsfangar.

Hinir 200 Japanir eru ekki taldir til Asíu-manna í þessu yfirliti af þeim orsökum, að hér er um að ræða menn, sem svipað stendur á um og Evrópu-menn í Rússlandi.

Eins og sést á þessu yfirliti hefur bylting bolshjevikanna ekki stuðlað að auknu aðstreymi útlendinga til Rússlands, og þeir útlendingar, sem dvöldu í Rússlandi fyrir byltinguna, hafa reynt að koma sér þaðan á burt.

Þess vegna er nú svo komið, að í Rússlandi eru miklu færri útlendingar nú á dögum en á dögum zar-stjórnarinnar. Þrátt fyrir glæstar lýsingar á ágæti sovét-skipulagsins, þrátt fyrir gullin loforð um allsnægtir öllum verkalyð til handa og þrátt fyrir sífelldar fullyrðingar um nóga atvinnu og góð kjör, hafa verkamenn annarra landa samt kosið heldur að sitja heima í ættlandi sínu, en að setjast að í paradís kommúnistanna rússnesku.

+a.

## Rakarinn í Sevilla,

leikrit Menntaskólanemenda, hefur verið leikinn nokkrum sinnum undanfarið. Aðsókn kvað hafa verið fremur dauf, enda er leikritið fremur tilkomulítið frá höfundarins hendi. Hinsvegar fara leikendur flestir vel með hlutverk sín og sumir þrýðilega, t. d. Sigurður Ólafsson. Ber leikur hans af öðrum. Guðrún Havstein sómir sér vel á leiksviði. Aðrir leikendur, svo sem Jón Árnason, eru og mjög sámilegir, er Evar Kvaran er þeirra lakastur, og ber það til með öðru, að hann er mjög þrýðilegur að vallarsýn og þess vegna ekki lagaður fyrir það hlutverk, sem hann hefur í leiknum. Leikstjóri er Bjarni Guðmundsson. Geta nemendur yfirleitt verið ánægðir með það, hvernig skólaleikurinn hefur heppnast í þetta sinn. Verður hann leikinn í síðasta sinn í kvöld.

x.